



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCXVIII. ad annum MCLXXIX.

Parisiis, 1644

Epistola LX. Alexandri Papae III. Ad Omnes Praelatos. Eiusdem argumenti.

urn:nbn:de:hbz:466:1-15588

EPISTOLA LX.

ALEXANDRI PAPÆ III.

AD OMNES PRÆLATOS.

Eiusdem argumenti.

Alexander episcopus seruus seruorum Dei venerabilibus fratribus, archiepiscopis & episcopis, & dilectis filiis abbatibus, & aliis ecclesiarum prælatis, ad quos literæ istæ peruerenter, salutem & apostolicam benedictionem.

CVM orientalis terra per impressiones infidelium & cursus fortium virorum potentia sit & proborum virorum consilio destituta, multo timore percutitur; & ad implorandam subuentiōnem fidelium dilectos filios nostros, milites Templi, latores præsentium, viros vtique religiosos, & Deum timentes, archiepiscopi, episcopi, & alii principes terræ ad partes vestras mittere decreuerunt. Nos autem quos illius terræ calamitas graui dolore conturbat, exemplo patrum & prædecessorum nostrorum de ipsius conseruatione solicii, Christianos reges, & principes orbis ad defensionem locorum illorum, in quibus steterunt pedes Domini, salubribus monitis exhortamur: & sicut patres & prædecessores nostri Urbanus & Eugenius pontifices Romani statuerunt, ita & nos remissionem & indulgentiam peccatorum statuimus vniuersis, qui pro Christo labore Hierosolymitanum assumpserint, & contra Saracenos fideli curauerint deuotione certare. Monemus itaque vniuersitatem vestram attentius, & mandamus, quatenus fratres, qui ad hoc missi sunt, benigno recipiatis affectu, & per eos orientalis terræ statu & necesse comperta, principes, comites, & alios fideles Christi parochianos vestros crebris & sollicitis exhortationibus laboreti inducere, vt terram illam, pro cuius liberatione patres & genitores eorum sanguinem proprium effuderunt, adeant festinanter, & contra inimicos Crucis Christi potentia & virtute decerent. Literas autem, quas propter hoc generaliter mittimus, vniuersis faciatis ecclesiis publice legi, & exponatis earum tenorem, & remissionem peccatorum, quam facimus illis qui tam pium &

necessarium opus assumpserint, nuntietis, & ita omnes ad exequendum quod suggerimus moneatis, quo per solitudinem & exhortationem vestram terra illa festinanter fidelium sentiat auxilium & iuuamen; & vos propter hoc ab omnipotenti Deo mercedem possitis consequi sempiternam. Datum Tusculani decimosexto Ianuarii.

EPISTOLA LXI.

ALEXANDRI PAPÆ III.

AD RICHARDVM CANTVARIENSEM
ARCHIEPISCOPVM, ET AD SVFRAGANEOS
EIVS REDDITA.

De pace inter se & Fridericum imperatorem inita.

*Alexander episcopus seruus seruorum Dei venerabilibus fratribus
Richardo Cantuariensi archiepiscopo & suffraganeis eius,
& dilectis filiis abbatibus specialiter ad Romanam eccle-
siam pertinentibus in archiepiscopatu Cantuariensi constitu-
tis, salutem & apostolicam benedictionem.*

IMMENSAS laudes & gratias agimus omnipotenti Deo, qui licet nauem Petri diu permisisset procellofa maris tempestate quassari, nunc tandem imperauit ventis & mari, & facta est tranquillitas magna, ita ut pacatis maris sequentis fluentibus, praedicta nauis ad portum quietis reducta sit & salutis. Sane carissimus in Christo filius noster Fridericus illustris Romanorum imperator, proximo praterito die, dominica ante festum beati Iacobi, cum principibus ecclesiasticis & secularibus Teutonici regni, cum multa deuotione venit Venetiam ad presentiam nostram: & ibi coram innumera multitudine virorum ac mulierum altis vocibus resonantium laudes Altissimo, nobis sicut summo pontifici omnem reuerentiam & honorem exhibuit, & in festo beati Iacobi nobis ad preces eius beati Marci ecclesiam adeuntibus pro celebrandis Missarum solenniis, obuiam venit: & finita Missa, quam a nobis licet indignis reuerenter audiuit, nobis omnem honorem exhibuit, quem prædecessores eius nostris confuerunt antecessoribus exhibere. In Kalendis vero instantis mensis Augusti præfatus imperator vbi erat numerosa